

佛说救拔焰口饿 鬼陀罗尼经

唐三藏沙門大廣智不空奉 詔譯



南無本師釋迦牟尼佛


說明

本繁體校正版《佛說救拔焰口餓鬼陀羅尼經》電子書，根據《乾隆大藏經》宋元入藏諸大小乘經，第 0979 部，唐三藏沙門大廣智不空奉詔譯《佛說救拔焰口餓鬼陀羅尼經》影印本校正，句讀及注音僅作參考。

本電子書是免費結緣品。特此說明。

仁慧草堂

二〇二〇年一月



掃碼關注仁慧草堂微信公眾號

● 起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

淨口業真言

(三編)

唵. 修唎. 修唎. 摩訶修唎. 修修唎. 薩婆訶.

淨三業真言

(三編)

唵. 娑嚩. 娑嚩秫馱. 娑嚩達摩娑嚩. 娑嚩秫度憾.

安土地真言

(三編)

南無三滿多. 母馱喃. 唵. 度嚕度嚕. 地尾. 娑婆訶

普供養真言

(三編)

唵. 誚誚曩. 三婆嚩. 禡日囉斛.

南無本師釋迦牟尼佛 (合掌三稱)

開經偈

(一編)

無上甚深微妙法 百千萬劫難遭遇
我今見聞得受持 願解如來真實義

佛說救拔焰口餓鬼陀羅尼經

唐三藏沙門大廣智不空奉 詔譯¹

爾時，世尊在迦毗羅城尼拘²律那僧伽藍所，與諸比丘，并諸菩薩，無數眾會，前後圍遶，而為說法。

爾時，阿難獨居靜處，念所受法。即於其夜三更已後，見一餓鬼，名曰焰口，其形醜陋，身體枯瘦，口中火然，咽如針鋒，頭髮鬢³亂，爪牙長利，甚可怖畏，住阿難前，白阿難言：「却後三日，汝命將盡，即便生此⁴餓鬼之中。」

是時，阿難聞此語已，心生惶怖，問餓鬼言：「若我死後，生餓鬼者，行何方便，得免斯苦？」

爾時，餓鬼白阿難曰⁵：「汝於明日，若能布施百千那由他恒河沙數餓鬼，并百千婆羅門仙等，以摩伽陀國所用之斛，各施一斛飲食，并及為我供養三寶，汝得增壽，令我離於餓鬼之苦，得生天上。」

¹ 麗藏：開府儀同三司特進試鴻臚卿肅國公食邑三千戶賜紫贈司空謚大鑒正號大廣智大興善寺三藏沙門不空奉 詔譯

² 麗藏：俱；永樂北藏及龍藏：拘

³ 麗藏：蓬；永樂北藏及龍藏：鬢

⁴ 麗藏：於；永樂北藏及龍藏：此

⁵ 麗藏：言；永樂北藏及龍藏：曰

阿難見此焰口餓鬼，身形羸瘦，枯焦極醜，口中火然，咽如針鋒，頭髮鬢⁶亂，爪牙⁷長利，又聞如是不順之語，甚大驚怖，身毛皆豎。即從座起，疾至佛所，五體投地，頂禮佛足，身體顫⁸慄，而白佛言：「願救我苦！所以者何？我住靜處，念所受⁹法，見焰口餓鬼，而語我言：『汝過三日，必當命盡，生餓鬼中。』我即問言：『云何令我得免斯苦？』餓鬼答言：『汝今若能施於百千那由他恒河沙數餓鬼，及百千婆羅門仙等種種飲食，汝得增壽。』世尊！我今云何能辦若干餓鬼、仙人等食？」

爾時，世尊告阿難言：「汝今勿怖！我有方便，令汝能施若干百千恒河沙餓鬼及諸婆羅門仙等，種種飲食，勿生憂惱。」

佛告阿難：「有陀羅尼，名曰無量威德自在光明勝¹⁰妙力。若有誦此陀羅尼者，即能充足俱胝那由他百千恒河沙數餓鬼及婆羅門仙等上妙飲食。如是等眾，乃至一一，皆得摩伽陀國所用之斛七七斛食。阿難，我於前世作婆羅門，於觀

⁶ 麗藏：蓬；永樂北藏及龍藏：鬢

⁷ 麗藏：毛爪；永樂北藏及龍藏：爪牙

⁸ 麗藏：戰；永樂北藏及龍藏：顫

⁹ 麗藏：授；永樂北藏及龍藏：受

¹⁰ 麗藏：殊勝；永樂北藏及龍藏：勝

自在¹¹菩薩所，及世間自在威德如來所，受此陀羅尼故，能散施與無量餓鬼及諸仙等種種飲食，令諸餓鬼解脫苦身，得生天上。阿難，汝今受持，福德、壽命皆得增長。」

爾時，世尊即為阿難說陀羅尼曰：

「曩謨薩嚩^{無可切下同}怛他^引夔路^引嚩路^引枳帝^二唵^{引三}

三^{去聲}跋羅三跋羅吽^{引12四}」

佛告阿難：「若有善男子、善女人，欲求長壽、福德增榮，速能滿足檀波羅蜜，每於晨朝及一切時，悉無障礙，取一淨器，盛以淨水，置少飲¹³麩及諸餅飴¹⁴等，以右手按¹⁵器，誦前陀羅尼滿七遍，然後稱四如來名號：

「南謨多寶如來

「曩謨婆^{去聲}誡嚩帝^一鉢囉^{二合}部^引哆囉怛曩^{二合}野怛他^引夔路^引野^{二16}

「由稱多寶如來名號加持故，能破一切諸鬼多生已來慳^慳惡業，罪障消滅，即得¹⁷福德圓滿。

「南無妙色身如來

¹¹ 麗藏：世音；永樂北藏及龍藏：自在

¹² 麗藏：那謨 薩嚩 怛他 夔多（引） 嚩盧枳帝 唵 叁婆囉 叁婆囉 吽

¹³ 麗藏：飯；永樂北藏及龍藏：飲

¹⁴ 麗藏：食；永樂北藏及龍藏：飴

¹⁵ 麗藏：加；永樂北藏及龍藏：按

¹⁶ 麗藏：曩謨 婆誡嚩帝 鉢囉（二合） 枳嚩（二合） 部（引） 多囉怛曩（二合） 怛他 夔多也（此云多寶如來）

¹⁷ 麗藏：即得；永樂北藏及龍藏：罪障消滅，即得

「曩謨婆誡縛帝^一素嚕^{二合}播^引野怛佗^引誡路野^二

18

「由稱妙色身如來名號加持故，能破諸鬼醜陋惡形，即得色相具足。

「南謨廣博身如來

「曩謨^引婆誡縛帝^一尾補羅誡^引怛囉^{二合}野怛佗^引夔路^引野^二¹⁹

「由稱廣博身如來名號加持故，能令諸鬼咽喉寬大，所施之食，恣意充飽。

「南謨離怖如來

「曩謨婆^{去聲}誡縛帝^一阿^{上聲}婆^{去聲}孕迦囉^引野怛佗^{去聲}夔路^引野^二²⁰

「由稱離怖畏如來名號加持故，能令諸鬼一切恐怖悉皆除滅，離餓鬼趣。」

佛告阿難：「若族姓子等²¹稱四如來名號加持已，彈指七遍，取於食器，於淨地上，展臂瀉之。作此施已，於其四方，有百千那由他恒河沙數餓鬼，前各各²²有摩伽陀國七七斛食。受此食已，悉皆飽滿，是諸餓鬼，悉等²³捨鬼身，生於天上。

¹⁸ 麗藏：那謨 婆誡縛帝 素嚕波（引）耶 怛他誡哆野（此云南無妙色身如來）

¹⁹ 麗藏：曩謨 婆誡縛帝 尾鉢囉（二合）誡擺孽多怛囉（二合）也 怛他孽多也（此云廣博身如來）

²⁰ 麗藏：曩謨 婆誡縛帝 阿（上）婆（去）孕迦囉也 怛他夔多也（此云離怖畏如來）

²¹ 麗藏：善男子等，既；永樂北藏及龍藏：子等

²² 麗藏：各；永樂北藏及龍藏：各各

²³ 麗藏：鬼等，悉；永樂北藏及龍藏：餓鬼，悉等

「阿難，若有比丘、比丘尼、優婆塞、優婆夷，常以此真²⁴言及四如來名號加持食施餓鬼²⁵，便能具足無量福德，則同供養百千俱胝如來功德等無差別，壽命延長，增益色力，善根具足，一切非人、夜叉、羅刹、諸惡鬼神不敢侵害，又能成就無量福德壽命。

「若欲施諸婆羅門仙等，以淨飲食滿盛一器，即以前真²⁶言加持二七遍，投於淨流水中。如是作已，即為以天諸²⁷美妙飲²⁸食，供養百千俱胝恒河沙數婆羅門仙。彼諸仙人得加持食故，以呪²⁹威德，各各成就根本所願、諸善功德，各各同時發誓願言：『願施³⁰食人，壽命³¹延長，色力安樂；又令其人，心所見聞，正解清淨，具足成就梵天威德，行梵天行。又同供養百千恒河沙如來功德，一切冤讎不能侵害。』

「若比丘、比丘尼、優婆塞、優婆夷，若欲供養佛、法、僧寶，應以香、華及淨飲食，以前真³²言加持二十一遍，奉獻三寶。是善男子及善

²⁴ 麗藏：密；永樂北藏及龍藏：真

²⁵ 麗藏：鬼；永樂北藏及龍藏：餓鬼

²⁶ 麗藏：密；永樂北藏及龍藏：真

²⁷ 麗藏：仙；永樂北藏及龍藏：諸

²⁸ 麗藏：之；永樂北藏及龍藏：飲

²⁹ 麗藏：密言；永樂北藏及龍藏：呪

³⁰ 麗藏：是；永樂北藏及龍藏：施

³¹ 麗藏：令壽；永樂北藏及龍藏：壽命

³² 麗藏：密；永樂北藏及龍藏：真

女人³³，則成以天餚饌上味，奉獻供養滿十方世界³⁴佛、法、僧寶，亦為讚歎、勸請、隨喜功德，恒為諸佛憶念稱讚，諸天善神恒來擁護，即為滿足檀波羅蜜。

「阿難，汝隨我語，如法修行，廣宣流布，令諸眾生普得見聞，獲無量福。是名救焰口餓鬼及苦眾生陀羅尼經，以是名字，汝當奉持。」

一切大眾及阿難等，聞佛說已，一心信受，歡喜奉行。

佛說救拔焰口餓鬼陀羅尼經³⁵

³³ 麗藏：善男子、善女人；永樂北藏及龍藏：善男子及善女人

³⁴ 麗藏：界；永樂北藏及龍藏：世界

³⁵ 麗藏：救拔焰口餓鬼陀羅尼經

● 結誦儀

補闕真言

(三編)

南無喝囉怛那. 哆囉夜耶. 佉囉佉囉. 俱住俱住.
摩囉摩囉. 虎囉. 吽. 賀賀. 蘇怛那. 吽. 潑抹拏. 娑
婆訶.

補闕圓滿真言

(三編)

唵. 呼嚧呼嚧. 社曳穆契. 莎訶

普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫迦囉
嚩吽

南無佛 南無法 南無僧 (合掌三稱)

南無本師釋迦牟尼佛 (合掌三稱)

南無觀世音菩薩摩訶薩 (合掌三稱)

南無護法諸天菩薩 (合掌三稱)

禮佛發願文

(一編)

歸命十方調御師 演揚清淨微妙法
三乘四果解脫僧 願賜慈悲哀攝受

但(某甲)自違真性，枉入迷流。隨生死以飄沉，逐色聲而貪染。十纏十使，積成有漏之因；六根六塵，妄作無邊之罪。迷淪苦海，深溺邪途。著我耽人，舉枉措直。累生業障，一切愆尤。仰三寶以慈悲，瀝一心而懺悔。

所願能仁拯拔，善友提攜。出煩惱之深源，到菩提之彼岸。此世福基命位，各願昌隆；來生智種靈苗，同希增秀。生逢中國，長遇明師。正信出家，童真入道。六根通利，三業純和。不染世緣，常修梵行。執持禁戒，塵業不侵。嚴護威儀，蝸飛無損。不逢八難，不缺四緣。般若智以現前，菩提心而不退。修習正法，了悟大乘。開六度之行門，越三祇之劫海。建法幢於處處，破疑網於重重。降伏眾魔，紹隆三寶。承事十方諸佛，無有疲勞。修學一切法門，悉皆通達。廣作福慧，普利塵沙。得六種之神通，圓一生之佛果。然後不捨法界，遍入塵勞。等觀音之慈心，行普

賢之願海。他方此界，逐類隨形。應現色身，演揚妙法。泥犁苦趣，餓鬼道中，或放大光明，或現諸神變，其有見我相，乃至聞我名，皆發菩提心，永出輪迴苦。火鑊冰河之地，變作香林；飲銅食鐵之徒，化生淨土。披毛戴角，負債含怨，盡罷辛酸，咸霑利樂。疾疫世而現為藥草，救療沉疴；饑饉時而化作稻粱，濟諸貧餒。但有利益，無不興崇。次期累世冤親，現存眷屬，出四生之汨沒，捨萬劫之愛纏。等與含生，齊成佛道。虛空有盡，我願無窮。情與無情，同圓種智。

迴向偈

(一編)

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國

十方三世一切佛。一切菩薩摩訶薩。摩訶般若波羅蜜。

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；自
皈依僧，當願眾生，統理大眾，一切無礙。和南
聖眾。



此咒置經書中可滅誤跨之罪

南无护法韦驮尊天菩萨

